



Rimnada sistemica da dretg communal dalla vischnaunca da Sagogn

Nummera **800.01**

Tetel **Regulativ dalla pasculaziun cumina**

Ediziun Ediziun dils 17.03.1978

Remplazza lescha dils 1946

Valeivel **Sligiau si 15.01.2007**

17.03.1978

Remarca preliminara

Ord motivs da simplificaziun serefereschan indicaziuns da persunas, funcziuns e mistregns en questa constituziun, lescha ni reglement mintgamai sin omisduas schlatteinas, expriu ch'ei vegn menziunau explicit zatgei auter egl artechel.

Cuntegn

I. Determinaziuns generalas	3
II. Stipulaziuns	3
III. Taxas	4
IV. Determinaziuns finalas	4

I. Determinaziuns generalas

Funs

Art. 1

¹ Tut funs sin territoril dalla vischnaunca da Sagogn ei sottaposts alla pasculaziun cumina, priu ora quei funs ch'ei cumpraus libers da quella (fry) e curtgins.

II. Stipulaziuns

Dretg

Art. 2

¹ Il dretg de far diever dalla pasculaziun cumina han tuts burghais sesents en vischnaunca e tuts domiciliai.

Razzas
d'animals**Art. 3**

¹ Dalla bualaziun san far diever tuts animals de razza bovina e las nuorsas. Las cauras han il dretg da pasculaziun mo sut pastur. Animals da negozi han buca il dretg da bualar.

Scumandada

Art. 4

¹ La scumandada dalla pasculaziun da primavera dils animals manedels, inclus gaglinas, e l'avertura dalla pasculaziun d'atun, vegnan fixadas dalla suprastonza communal.

Metter grascha e
puschina**Art. 5**

¹ Avon la scumandada dalla pasculaziun da primavera astga vegnir mess negina grascha artificiala, la quala ei nuscheivla per ils animals.

² Naven d'igi emprem da settember entochen l'avertura dalla pasculaziun d'atun per las nuorsas ei tut ladar e metter puschina scumandau. Priu ora da quei scamond ein ils praus cumprai libers (fry) ed ils praus artificiali, ils quals astgan ils dus emprems onns vegnir ladai.

Reservaziun

Art. 6

¹ Ils emprems 10 dis dalla pasculaziun d'atun ein resalvai sulettamein als animals de razza bovina. Duront quels 10 dis astgan las nuorsas pascular mo sin funs cumpraus ora (fry) ni sut pastur sin las pastiras. La pasculaziun per las nuorsas entscheiva 10 dis suenter l'avertura dalla bualaziun.

III. Taxas

Taxas

Art. 7

¹ Tgi che fa diever dalla pasculaziun cumina paga las suandontas taxas:

	burgheis	sesents
vaccas/genetschas	2.00	2.50
mugias	1.20	1.50
vadials	0.80	1.00
nuorsas (primavera ed atun)	2.00	2.50

Disposiziun
penala

Art. 8

¹ Cuntravenziuns a quest uorden vegnan punidas dalla suprastonza commnala cun frs. 20.-- entochen frs. 200.--.

IV. Determinaziuns finalas

Entrada en vigur **Art. 9**

¹ Il regulativ present remplaza il regulativ dalla pasculaziun cumina digl onn 1946. El passa en vigur immediat suenter esser acceptaus dalla radunonza communal.

Quest regulativ ei vegnius acceptaus dalla radunonza communal ils 17-3-1978.

Ediu tras			
Acceptau tras	radunonza communal	ils	17.03.1978
Controllau tras			
Publicaziun ufficiala dalla vischnaunca da Sagogn.			